

Dogfen ir Cyhoedd



CYNGOR SIR
YNYS MÔN
ISLE OF ANGLESEY
COUNTY COUNCIL

Dr. Gwynne Jones
Prif Weithredwr – Chief Executive
CYNGOR SIR YNYS MÔN
ISLE OF ANGLESEY COUNTY COUNCIL
Swyddfeydd y Cyngor - Council Offices
LLANGFNI
Ynys Môn - Anglesey
LL77 7TW

Ffôn / tel (01248) 752500
Ffacs / fax (01248) 750839

RHYBUDD O GYFARFOD	NOTICE OF MEETING
PWYLLGOR SGRIWTINI PARTNERIAETH AC ADFYWIO	PARTNERSHIP AND REGENERATION SCRUTINY COMMITTEE
DYDD MAWRTH, 17 TACHWEDD 2015 am 2.00 o'r gloch yp	TUESDAY, 17 NOVEMBER, 2015 at 2.00 p.m.
SIAMBR Y CYNGOR, SWYDDFEYDD Y CYNGOR, LLANGFNI	COUNCIL CHAMBER, COUNCIL OFFICES, LLANGFNI
Swyddog Pwyllgor	Mrs. Mairwen Hughes 01248 752516 Committee Officer

AELODAU / MEMBERS

Cynghorwyr / Councillors:-

Annibynnol / Independent

D R Hughes (Cadeirydd/Chair), W T Hughes, Richard Owain Jones a
Dafydd Rhys Thomas

Plaid Cymru / The Party of Wales

John Griffith, Carwyn Jones, Alun W Mummery (Is-Gadeirydd/Vice-Chair) a Dylan Rees

Plaid Lafur Cymru/Wales Labour Party

Sedd Wag/Vacant Seat

Heb Ymuno / Unaffiliated

R.Ll.Jones

**Aelodau Ychwanegol/Additional Members (gyda hawl pleidleisio ar faterion
addysg/with voting rights in respect of educational matters)**

**Parch./Rev. Robert Townsend (Yr Eglwys yng Nghymru/The Church in Wales) and
Mr. Keith Roberts (Yr Eglwys Babyddol Rufeinig/The Roman Catholic Church)**

**Aelod Cyfetholedig/Co-opted Member (Dim Hawl Pleidleisio/No Voting Rights)
Mr Gerallt Llewelyn Jones (Rheolwr Gyfarwyddwr/Managing Director - Mentor Môn)**

R H A G L E N

1 **DATGANIAD O DDIDDORDEB**

Derbyn unrhyw ddatganiad o ddiddordeb gan unrhyw Aelod neu Swyddog mewn perthynas ag unrhyw eitem o fusnes.

2 **COFNODION** (Tudalennau 1 - 8)

Cyflwyno, i'w cadarnhau, gofnodion y cyfarfod a gafwyd ar 15 Medi, 2015.

3 **BWRDD IECHYD PRIFYSGOL BETSI CADWALADR** (Tudalennau 9 - 12)

Derbyn cyflwyniad gan gynrychiolwyr o Fwrdd Iechyd Prifysgol Betsi Cadwaladr ar Strwythur yr Ardal ac wedi hynny derbyn cwestiynau ar ddarpariaeth gwasanaethau iechyd.

(MAE GWAHODDIAD WEDI EU HANFON I HOLL AELODAU'R CYNGOR I FYNYCHU'R CYFARFOD MEWN PERTHYNAS A'R EITEM HON).

4 **AWDURDOD TÂN AC ACHUB GOGLEDD CYMRU** (Tudalennau 13 - 32)

(EITEM I DDECHRAU AM 3.45 o'r gloch y.p.)

Trafod yr ymgynghoriad ar sut i gynnal y Gwasanaethau Tân ac Achub yng Ngogledd Cymru ac wedi hynny derbyn cwestiynau ar y ddarpariaeth yn lleol.

(MAE GWAHODDIAD WEDI EU HANFON I HOLL AELODAU'R CYNGOR I FYNYCHU'R CYFARFOD MEWN PERTHYNAS A'R EITEM HON).

5 **RHAGLEN WAITH** (Tudalennau 33 - 36)

Cyflwyno adroddiad gan y Swyddog Sgriwtini.

PWYLLGOR SGRIWTINI PARTNERIAETH AC ADFYWIO

Cofnodion y cyfarfod a gynhaliwyd ar 15 Medi 2015

- PRESENNOL:** Y Cynghorydd Derlwyn Rees Hughes (Cadeirydd)
Y Cynghorydd Alun Wyn Mummery (Is-gadeirydd)
- Y Cynghorwyr John Griffith, W T Hughes, Carwyn Jones,
R LI Jones, Richard Owain Jones a Dylan Rees
- WRTH LAW:** Prif Weithredwr,
Cyfarwyddwr Corfforaethol (Cymuned)
Pennaeth Gwasanaethau Tai (ar gyfer Eitem 5)
Pennaeth Gwasanaethau Oedolion (ar gyfer Eitemau 6 a 7)
Pennaeth Gwasanaethau Democrataidd
Rheolydd Strategaeth Tai a Datblygu (LR) (ar gyfer Eitem 5)
Cydlynnydd Oedolion Bregus (OD) (ar gyfer Eitem 6)
Swyddog Cwynion a Datblygu Gofal Cwsmer (SS) (ar gyfer Eitem 7)
Uwch Reolydd Partneriaethau (Gwynedd ac Ynys Môn) (ar gyfer Eitem 9).
Prif Swyddog Datblygu (Gwasanaethau Tai) (AJ) (ar gyfer Eitem 13)
Swyddog Sgriwtini (GR)
Swyddog Pwyllgor (MEH)
Cynorthwy-ydd Gweinyddol/Swyddog Pwyllgor(SC).
- YMDDIHEURIADAU:** Y Cynghorydd Dafydd Rhys Thomas
- HEFYD YN BRESENNOL:** Y Cynghorydd Aled Morris Jones (Aelod Portffolio – Tai a Gwasanaethau Cymdeithasol)
- Arweinydd y Cyngor (ar gyfer Eitem 9).

Estynnodd y Cadeirydd groeso i'r Prif Weithredwr i'w gyfarfod cyntaf o'r Pwyllgor Sgriwtini Partneriaeth ac Adfywio.

1 YMDDIHEURIADAU

Fel y nodir uchod.

2 DATGANIADAU O DDIDDORDEB

Gwnaed datganiad o ddiddordeb personol gan y Cynghorydd Dylan Rees mewn perthynas ag eitemau 5 ac 13. Cymerodd ran yn y trafodaethau ond ni phleidleisiodd.

3 COFNODION

- Cadarnhawyd bod cofnodion y cyfarfod a gynhaliwyd ar 12 Mai 2015 yn gywir
- Cadarnhawyd bod cofnodion y cyfarfod a gynhaliwyd ar 14 Mai 2015 yn gywir

4 ENWEBU AELOD I WASANAETHU AR Y PANEL RHIANT CORFFORAETHOL

Cyflwynwyd - adroddiad gan y Swyddog Sgriwtini yn gwahodd y Pwyllgor i enwebu un aelod o'r Pwyllgor i wasanaethu ar y Panel Rhiant Corfforaethol o fis Mai 2015 hyd at fis Mai 2016. Roedd yr adroddiad yn rhoi crynodeb o gylch gorchwyl a phwrpas y Panel Rhiant Corfforaethol ac yn argymhell y dylid ailenwebu'r aelod cyfredol, sef y Cynghorydd Dylan Rees.

PENDERFYNWYD ailenwebu'r Cynghorydd Dylan Rees yn aelod o'r Panel Rhiant Corfforaethol.

5 ADOLYGIAD BLYNYDDOL O BARTNERIAETH DAI YNYS MÔN

Cyflwynwyd – adroddiad gan y Pennaeth Gwasanaethau Tai mewn perthynas â'r adolygiad Blynyddol o Bartneriaeth Dai Ynys Môn.

Dywedodd Rheolydd y Strategaeth Dai a Datblygu mai hwn yw'r adroddiad blynyddol cyntaf ar waith Partneriaeth Dai Ynys Môn a fydd yn golygu y gall y Pwyllgor hwn fonitro cynnydd y Bartneriaeth. Roedd yr adroddiad yn crynhoi'r gwaith a wnaed gan y Bartneriaeth yn ei blwyddyn gyntaf. Sefydlwyd Partneriaeth Dai Ynys Môn oherwydd bod gweithio mewn partneriaeth yn hanfodol i ddarparu'r cartrefi a'r gwasanaethau tai y mae'r ynys eu hangen. Mae'r Bartneriaeth hefyd yn cynorthwyo'r Cyngor i gwrdd â'i amcanion corfforaethol gan gynnwys:-

- Trawsnewid Gofal Cymdeithasol i Oedolion Hŷn.
- Adfywio ein Cymunedau a Datblygu'r Economi.
- Cynyddu ein Hopsiynau Tai a Gostwng Tlodi
- Canolbwyntio ar y Cwsmer, y Dinesydd a'r Gymuned.

Cafwyd pum cyfarfod o'r Bartneriaeth hyd yma gyda chyfarfodydd wedi'u rhaglennu i'w cynnal yn chwarterol. Gwnaed cyflwyniadau i'r Bartneriaeth ynghylch materion sydd o bwys mawr neu sy'n cael effaith ar dai yn Ynys Môn sef:-

- Wylfa Newydd a llety i weithwyr
- Tai Gofal Ychwanegol ar Ynys Môn
- Strategaeth Cartrefi Gweigion
- Rhan II Deddf Tai (Cymru) – atal digartrefedd

Tynnwyd sylw yn yr adroddiad at lwyddiannau allweddol y Bartneriaeth yn ystod ei blwyddyn gyntaf.

Rhoddodd y Pwyllgor sylw i'r adroddiad a chodwyd y pwyntiau a ganlyn:-

- Holwyd a fyddai'r posibilrwydd y byddai ffoaduriaid yn adsefydlu yng Nghymru yn fater i Bartneriaeth Dai Ynys Môn. Dywedodd y Pennaeth Gwasanaethau Tai mai mater i'r Awdurdod Lleol ei ystyried fyddai hwnnw;
- Holwyd a oedd y Bartneriaeth wedi trafod dynodi safleoedd posib ar yr ynys ar gyfer Teithwyr. Dywedodd y Pennaeth Gwasanaethau Tai fod grŵp o Swyddogion o'r Cyngor Sir yn cyfarfod yn rheolaidd i drafod Safleoedd Teithwyr posib.
- Holwyd ynghylch statws yr iaith Gymraeg yn y Bartneriaeth a sut mae'r iaith yn cael ei hymgorffori yn ei strategaeth ac a yw'n dylanwadu ar y Polisi Tai. Dywedodd y Pennaeth Gwasanaethau Tai fod Comisiynydd y Gymraeg a Llywodraeth Cymru wedi cyhoeddi canllawiau ar gyfer Cymdeithasau Tai yn dweud fod rhaid iddynt ddarparu gwasanaethau dwyieithog. Dywedodd bod tair Cymdeithas Dai yn gweithio gyda'r Cyngor Sir a bod eu gweinyddiaeth fewnol yn ddwyieithog.
- Holwyd faint o bobl sydd ar y rhestr aros am gartref. Dywedodd y Pennaeth Gwasanaethau Tai y byddai'n darparu manylion mewn adroddiad i gyfarfod nesaf y Pwyllgor hwn.

PENDERFYNWYD:-

- **Nodi cynnwys yr adroddiad;**
- **Bod dadansoddiad o nifer y bobl ar y rhestr aros yn cael ei ymgorffori mewn adroddiad i gyfarfod o'r Pwyllgor hwn yn y dyfodol.**

GWEITHREDU: fel sydd wedi ei nodi uchod.

6 DIWEDDARIAD BLYNYDDOL – TREFNIADAU DIOGELU AR GYFER OEDOLION BREGUS YN YNYS MÔN

Cyflwynwyd – adroddiad diweddar blynyddol gan y Pennaeth Gwasanaethau Oedolion mewn perthynas â Threfniadau Diogelu ar gyfer Oedolion Bregus yn Ynys Môn.

Dygodd y Pennaeth Gwasanaethau Oedolion sylw at y prif faterion yn yr adroddiad. Nododd mai amcan Polisi a Gweithdrefn Cymru ar gyfer Amddiffyn Oedolion Bregus rhag camdriniaeth yw llywio gwaith diogelu a wneir gan bawb sy'n ymwneud â lles oedolion bregus ac sy'n cael eu cyflogi yn y sector statudol, y trydydd sector a'r sector annibynnol yn y meysydd iechyd, gofal cymdeithasol, yr heddlu a gwasanaethau eraill. Amlygwyd crynodeb o'r cyfeiriadau POVA yn yr adroddiad.

Rhoddodd y Pwyllgor sylw i'r adroddiad a chododd y materion a ganlyn:-

- Holwyd sawl achos a brofwyd yn erbyn staff y GIG, y Sector Annibynnol a Staff Gofal Cymdeithasol. Dywedodd y Swyddogion y gellid cael y ffigyrau a nododd y byddant yn cael eu darparu ar gyfer y Pwyllgor gyda hyn.
- Holwyd faint o amser a gymerir i ddelio gydag achosion o ymosodiad honedig. Ymatebodd y Swyddogion bod ymholiadau cychwynnol yn digwydd cyn pen 1/2 wythnos pan fyddir yn delio gydag achosion annibynnol. Gall achosion a gyfeirir i sylw'r Heddlu neu achosion y mae angen gwneud ymchwiliadau manwl yn eu cylch gymryd 3/4 mis. Dywedodd y Pennaeth Gwasanaethau Oedolion y bydd

yn paratoi adroddiad ar y drefn ar gyfer delio gyda chamdriniaeth honedig ar gyfer cyfarfod nesaf y Pwyllgor hwn.

PENDERFYNWYD nodi'r adroddiad a chytuno i'r datblygiadau a amlygwyd yn Rhan 4 yr adroddiad.

GWEITHREDU:

- **Darparu ffigyrau i'r Pwyllgor hwn ynghylch achosion sydd wedi'u profi o gam-drin oedolion bregus.**
- **Bod y weithdrefn ar gyfer delio gydag achosion honedig o gam-drin oedolion bregus yn cael ei chyflwyno i'r Pwyllgor hwn gyda hyn.**

7 ADRODDIAD BLYNYDDOL – 'GWRANDO AR GWYNION A DYSGU ODDI WRTHYNT'

Cyflwynwyd - yr Adroddiad Blynyddol - 'Gwrando ar Gwynion a Dysgu oddi wrthynt' gan y Pennaeth Gwasanaethau Oedolion.

Dywedodd y Pennaeth Gwasanaethau Oedolion fod dyletswydd i gynhyrchu Adroddiad Blynyddol ar weithrediad y Weithdrefn Sylwadau a Chwynion a'i gyflwyno i Bwyllgor Sgriwtini perthnasol yr Awdurdod Lleol i fonitro trefniadau ar gyfer delio'n effeithiol gyda chwynion gan ddefnyddwyr gwasanaeth a'u cynrychiolwyr. Ystyrir ei bod yn hollbwysig cadw cofnod o sylwadau a chwynion fel bod modd i'r Adran Gwasanaethau Cymdeithasol ddysgu gwersi ohonynt fel rhan o'r gwaith o wella'r ddarpariaeth gwasanaeth. Cafwyd dadansoddiad manwl gan y Pennaeth Gwasanaethau Oedolion o nifer y cwynion a dderbyniwyd gan yr Adran Gwasanaethau Cymdeithasol.

Rhoddodd y Pwyllgor sylw i'r adroddiad a chododd y materion a ganlyn:-

- Codwyd cwestiynau ynghylch y weithdrefn i drigolion oedrannus mewn cartrefi gofal wneud cwyn os ydynt yn dymuno. Atebodd y Pennaeth Gwasanaethau Oedolion fod staff yr Adran Gwasanaethau Cymdeithasol yn ymweld â chartrefi gofal yn rheolaidd. Nododd hefyd fod yr adran yn cyflogi pobl annibynnol ar hyn o bryd i asesu unrhyw gwynion a all fod gan drigolion cartrefi gofal; mae hyn yn cydymffurfio gyda'r meini prawf a bennwyd gan y Comisiynydd ar gyfer Pobl Hŷn.

Roedd y Cyfarwyddwr Corfforaethol (Cymuned) yn dymuno cofnodi ei gwerthfawrogiad i'r Swyddog Cwynion a Datblygu Gofal Cwsmer (Adran Gwasanaethau Cymdeithasol) am ei gwaith yn delio'n fedrus bob amser gyda chwynion a gyflwynir i'r Adran Gwasanaethau Cymdeithasol.

PENDERFYNWYD:-

- **Nodi natur y cwynion a gafwyd yn ystod 2014/15 am y gwasanaethau a ddarperir gan yr Adran Gwasanaethau Cymdeithasol;**
- **Nodi perfformiad yr Adran Gwasanaethau Cymdeithasol yn gweithredu'r Weithdrefn Sylwadau a Chwynion ac yn delio gyda chwynion;**

- **Nodi'r Cynllun Gweithredu ar gyfer datblygu'r trefniadau ar gyfer delio'n effeithiol gyda sylwadau a chwynion gan ddefnyddwyr gwasanaeth a'u cynrychiolwyr.**

GWEITHREDU: Dim.

8 PANELAU CANLYNIAD SGRIWTINI – DIWEDDARIAD

Cyflwynwyd – adroddiad gan y Rheolydd Sgriwtini Dros Dro mewn perthynas â'r Panelau Canlyniad Sgriwtini a sefydlwyd gan Bwyllgorau Sgriwtini'r Awdurdod Lleol.

Cafwyd trosolwg gan y Swyddog Sgriwtini o'r Panelau Canlyniad Sgriwtini a sefydlwyd gan y ddau Bwyllgor Sgriwtini, sef 7 ohonynt ar hyn o bryd.

PENDERFYNWYD:-

- **Nodi'r sefyllfa gyfredol mewn perthynas â gwaith y saith Panel Canlyniad Sgriwtini;**
- **Cefnogi ymdrechion y Swyddogion i gyflwyno adroddiadau diweddarau chwarterol ar waith y Panelau Canlyniad Sgriwtini i'r ddau Bwyllgor Sgriwtini, y Gweithgor Cadeiryddion ac Is-gadeiryddion Sgriwtini a'r Uwch Dîm Arweinyddiaeth;**
- **Cryfhau ymhellach yr aliniad a'r synergedd rhwng y Swyddogaeth Sgriwtini a Blaenoriaethau Strategol y Cyngor fel y manylir ar hynny ym mharagraff 4 yr adroddiad.**

GWEITHREDU: Bod adroddiadau diweddarau yn cael eu cyflwyno i'r Pwyllgor hwn yn chwarterol ar waith y Panelau Canlyniad Sgriwtini.

9 DIWEDDARIAD AR DREFNIADAU SGRIWTINI ARFAETHEDIG Y BWRDD GWASANAETHAU LLEOL AR Y CYD

Cyflwynwyd – adroddiad wedi'i ddiweddarau ar y trefniadau sgrwtini ar y cyd a fwriedir ar gyfer Bwrdd Gwasanaethau Lleol Gwynedd ac Ynys Môn.

Dygodd y Swyddog Sgriwtini sylw at y prif faterion yn yr adroddiad a nododd y bydd canllawiau pellach mewn perthynas â Deddf Cenedlaethau'r Dyfodol (Cymru) 2015 yn cael eu cyhoeddi yn hydref 2015 ac fe ddylent roi rhagor o eglurder ynghylch sut i fwrw ymlaen gyda sgrwtineiddio'r Bwrdd Gwasanaethau Lleol pan ddaw'n weithredol ym mis Ebrill 2016. Ar hyn o bryd mae'r ddeddfwriaeth yn glir y bydd aelodaeth y Bwrdd Gwasanaethau Cyhoeddus ar gyfer yr ardal yn cynnwys Cyngor Gwynedd, Cyngor Sir Ynys Môn, Bwrdd Iechyd Prifysgol Betsi Cadwaladr, Cyfoeth Naturiol Cymru a Gwasanaeth Tân ac Achub Gogledd Cymru.

Dywedodd Uwch Reolydd Partneriaethau Gwynedd ac Ynys Môn fod canllawiau statudol mewn perthynas â Deddf Lles Cenedlaethau'r Dyfodol(Cymru) 2015 – Goblygiadau ar gyfer Sgriwtini – yn destun ymgynghoriad ar hyn o bryd tan 16 Tachwedd 2015. Nododd bod angen cryfhau'r elfen sgrwtini yn y canllawiau a bod Llywodraeth Cymru eisoes wedi nodi'r mater hwn.

Dywedodd Arweinydd y Cyngor fod Deddf Lles Cenedlaethau'r Dyfodol (Cymru) 2015 yn ddeddfwriaeth bwysig ac roedd yn gobeithio y byddai'r Uwch Reolydd Partneriaethau yn rhoi adroddiad diweddar yn dilyn y Gynhadledd Genedlaethol a gynhelir ar 26 Tachwedd.

PENDERFYNWYD nodi'r adroddiad diweddar.

GWEITHREDU: Bod adroddiad diweddar yn cael ei gyflwyno i gyfarfod o'r Pwyllgor Sgriwtini Partneriaeth ac Adfywio yn y dyfodol mewn perthynas â'r uchod.

10 DIWEDDARIAD GAN Y CADEIRYDD NEU'R IS-GADEIRYDD

Dywedodd yr Is-gadeirydd fod y Grŵp Adolygu Cynnydd Ysgol y mae wedi bod yn ei fynychu yn un addysgiadol iawn a'i fod yn edrych ymlaen at gymryd rhan yng ngham nesaf y broses ymgynghori.

11 RHAGLEN WAITH

Cyflwynwyd – y Rhaglen Waith ddrafft.

Dywedodd y Swyddog Sgriwtini y bydd angen i'r Pwyllgor Sgriwtini Partneriaeth ac Adfywio ystyried tair eitem newydd:-

- Bwrdd Iechyd Prifysgol Betsi Cadwaladr – diweddariad – i'w drafod yn y cyfarfod ar 17 Tachwedd 2015.
- Gwerthuso Opsiynau Casglu Gwastraff Wythnosol – trefnir cyfarfod arbennig.
- Gwasanaeth Tân ac Achub Gogledd Cymru – ymateb i'r digwyddiad tân diweddar yn Llangefni – i'w drafod yn y cyfarfod ar 17 Tachwedd 2015.

Dywedodd y Cynghorydd Carwyn Jones ei fod yn dymuno cael adroddiad diweddar yn rheolaidd gan y Grŵp Tasg a Gorffen sy'n delio gyda dynodi safleoedd ar gyfer Teithwyr. Nododd bod Deddf Tai Cymru yn dweud bod rhaid i bob Awdurdod Lleol ddynodi safle ar gyfer teithwyr yn eu hardaloedd.

Dywedodd y Cynghorydd R.O. Jones ei fod yn dymuno gweld eitem ar y Gwasanaeth Ambiwlans ar Raglen Waith y Pwyllgor.

PENDERFYNWYD nodi'r Rhaglen Waith drafft ac ymgorffori'r eitemau a godwyd ar gyfer trafodaeth mewn cyfarfod o'r Pwyllgor Sgriwtini Partneriaeth ac Adfywio yn y dyfodol fel y nodir uchod.

12 CAU ALLAN Y WASG A'R CYHOEDD

PENDERFYNWYD mabwysiadu'r isod:-

“Dan Adran 100 (A)(4) Deddf Llywodraeth Leol 1972, gyrru'r wasg a'r cyhoedd allan o'r cyfarfod yn ystod y drafodaeth ar yr eitem a ganlyn, oherwydd y tebygrwydd y câi gwybodaeth ei rhyddhau a honno'n wybodaeth y gwna

Atodlen 12A y Ddeddf eithriad ohoni fel y diffinnir y wybodaeth yn y Ddeddf ac yn y Prawf Budd y Cyhoedd sydd ynghlwm".

13 MODERNEIDDIO'R GWASANAETHAU WARDEN O FEWN STADAU TAI GWARCHOD Y CYNGOR

Cyflwynwyd – adroddiad gan y Pennaeth Gwasanaethau Tai mewn perthynas â moderneiddio'r Gwasanaethau Warden mewn Tai Gwarchod y mae'r Cyngor yn berchen arnynt.

Cafwyd adroddiad manwl gan y Prif Swyddog Datblygu (Gwasanaethau Tai) ar y ddau opsiwn ar gyfer moderneiddio'r Gwasanaethau Warden yn y Cyngor Sir.

Yn dilyn sesiwn holi ac ateb **PENDERFYNWYD:-**

- **Nodi'r sefyllfa a ffafrio Opsiwn 1 yn yr adroddiad.**
- **Nodi y caiff y mater ei drafod gan y Pwyllgor Gwaith ar gyfer gwneud penderfyniad.**

GWEITHREDU: Nodi y bydd y penderfyniad mewn perthynas â moderneiddio Gwasanaethau Warden mewn Tai Gwarchod y mae'r Cyngor yn berchen arnynt yn cael ei wneud gan y Pwyllgor Gwaith.

(Roedd y Cynghorydd Carwyn Jones yn dymuno cofnodi ei fod wedi pleidleisio yn erbyn y penderfyniad).

(Ymatalodd y Cynghorydd John Griffith ei bleidlais)

(Wedi iddo ddatgan diddordeb personol ymatalodd y Cynghorydd Dylan Rees ei bleidlais ar yr eitem hon).

Daeth y cyfarfod i ben am 5.00pm

**Y CYNGHORYDD D.R. HUGHES
CADEIRYDD**

This page is intentionally left blank

CYFARFOD:	Pwyllgor Sgrwtini Partneriaeth ac Adfywio
DYDDIAD:	17 Tachwedd 2015
LLEOLIAD:	Siambur y Cyngor, Cyngor Sir Ynys Môn, Llangefni.
AMSER CYCHWYN:	2pm
PWNC:	Materion / Cwestiynau i Fwrdd Iechyd Prif Betsi Cadwaladr.

<u>Rhif:</u>	<u>Cwestiwn gan:</u>	<u>Cwestiwn:</u>
<u>Gwasanaethau Mamolaeth Merched a Gwasanaethau Iechyd eraill</u>		
1.	Y Cyngorydd Carwyn Jones	Yn ddiweddar mae Bwrdd Iechyd Prifysgol Betsi Cadwaladr wedi cynnal ymgynghoriad ar newidiadau dros dro i Wasanaethau Merched a Mamolaeth yng ngogledd Cymru. Mae pryder ar Ynys Môn bod y gwasanaeth mamolaeth arbenigol yn Ysbyty Gwynedd yn y fantol. Allwch chi ddarparu gwybodaeth ar sefyllfa'r Bwrdd ar hyn o bryd a beth fydd yn digwydd?
2.	Y Cyngorydd Derlwyn Hughes	Beth yw cynllun strategol tymor canol BIPBC ar gyfer y ddau safle ysbytai cymunedol (Ysbyty Penrhos – Caergybi ac Ysbyty Cefni – Llangefni) ar Ynys Môn?
<u>Pwysau Ariannol ar Wasanaethau Cyhoeddus</u>		
3.	Y Cyngorydd Derlwyn Hughes	Adroddwyd yn y wasg y rhagwelir y bydd BIPBC wedi gorwario tua £14 miliwn erbyn diwedd blwyddyn ariannol 2015/16, ac efallai y bydd hyd yn oed yn fwy na hynny. A fyddwch chi'n medru cynnal neu wella'r lefel bresennol o bartneriaeth gyda Chynghorau Gogledd Cymru, neu a fyddwch chi'n ceisio lleihau'r gorwariant a ragwelir trwy gwtogi mentrau ar y cyd a/ neu leihau eich cyfraniad ariannol i wasanaethau yn y gymuned y flwyddyn nesaf?
<u>Gwasanaethau i Bobl Hŷn</u>		
4.	Y Cyngorydd Derlwyn Hughes	Faint o arian mae BIPBC wedi ei wario yn y gymuned ar ofal cymdeithasol i oedolion a pha gamau y mae'n eu cymryd i gryfhau cefnogaeth gymunedol a gofal nyrsio yn y gymuned ?

<u>Rhif:</u>	<u>Cwestiwn gan:</u>	<u>Cwestiwn:</u>
<u>Gwasanaethau i Blant a Phobl Ifanc (yn cynnwys CAHMS)</u>		
5.	Y Cyngorydd Derlwyn Hughes	Mae adroddiad AGGCC, a gyhoeddwyd ym mis Ionawr 2015, dan y teitl "Archwiliad ar Ddiogelu a Chynllunio Gofal ar gyfer Plant Mewn Gofal a rhai sy'n Gadael Gofal ac sy'n arddangos ymddygiad bregus neu beryglus" yn feirniadol o addasrwydd gwasanaethau iechyd meddwl i blant mewn gofal. Beth fu ymateb BIPBC i'r adroddiad hwn yn lleol ar yr Ynys?
6.	Y Cyngorydd Derlwyn Hughes	Cwnsela mewn ysgolion a throthwyon mynediad i wasanaethau CAMHS. Mae'n glir o'r fforymau rhanbarthol a gynhaliwyd yn ddiweddar rhwng swyddogion y llywodraeth, CAMHS a gwasanaethau cwnsela ysgolion bod cryn dipyn o sgôp i gysoni'r math o wasanaethau cymorth a gynigir gan CAMHS trwy'r rhanbarth a'r cymorth y gellir ei gynnig i ysgolion, athrawon a gweithwyr cefnogol eraill. Pa gynlluniau sydd gan y Bwrdd Iechyd i sicrhau bod y 'cynnig' hwn yn cael ei gysoni trwy'r rhanbarth i sicrhau mynediad a chyfleoedd cyfartal i'n pobl ifanc?
7.	Y Cyngorydd Derlwyn Hughes	Codwyd pryderon ynglŷn â'r diffyg cyfathrebu ynghylch penderfyniadau i leoli pobl ifanc y tu allan i ardal Gogledd Cymru am driniaeth mewn ysbytai/unedau arbenigol yn Lloegr heb godi ymwybyddiaeth yr Awdurdod am y tebygolrwydd y bydd costau ychwanegol sylweddol yn deillio o hynny. Sut ellir cryfhau'r mecanwaith presennol trwy'r Panel Comisiynu ar y Cyd misol er mwyn gwella cyfathrebu rhwng y Bwrdd Iechyd a'r Awdurdod Lleol ?
8.	Y Cyngorydd Derlwyn Hughes	Codwyd pryderon ynghylch diffyg cysondeb o ddarpariaeth a rennir ar draws y rhanbarth mewn perthynas â gwasanaethau cefnogaeth therapi iaith a chyfathrebu i bobl ifanc yn ein hysgolion. Mae'r Cyngor yn awyddus i symud yr agenda yn ei blaen trwy sefydlu dealltwriaeth ysgrifenedig gyffredin ynghylch yr hyn ellir ei ddisgwyl o ran y lefelau ymyrraeth a'r pecynnau cymorth sydd ar gael i blant a phobl ifanc mewn addysg prif ffrwd, yn enwedig yn y sector uwchradd lle bu diffyg yn y ddarpariaeth yng ngogledd-orllewin Cymru. Oes gan BIPBC gynlluniau i gyflwyno protocol rhanbarthol cyffredin sy'n amlinellu'r gwasanaethau y mae'n eu cynnig?
<u>CWESTIYNAU YCHWANEGOL GAN AELODAU</u>		
9.	Y Cyngorydd Carwyn Jones	Mae'r Awdurdod, trwy ei Raglen Trawsnewid ar gyfer Gofal Cymdeithasol Oedolion, yn ymroddedig i ddatblygu darpariaeth Gofal Ychwanegol trwy Ynys Môn gan gefnogi gweledigaeth yr

<u>Rhif:</u>	<u>Cwestiwn gan:</u>	<u>Cwestiwn:</u>
		Awdurdod o symud i ffwrdd o ofal preswyl traddodiadol tuag at fodolau gofal amgen. Cynhaliwyd ymgynghoriad yn ddiweddar ynglŷn â Chartref Preswyl Haulfre yn Llangoed. A ymgynghorwyd gyda BIPBC ynglŷn â dyfodol y cartref preswyl ac, os gwnaed hynny, beth yw eu barn ar y mater, megis colli capasiti gwelyau?
10.	Y Cynghorydd Dylan Rees	<p>Cynhaliwyd arolwg diweddar ymysg Meddygon Teulu Gogledd Cymru yng nghyswllt eu cydbwysedd gwaith a bywyd. Roedd yn amlwg o'r arolwg fod nifer helaeth o Feddygon Teulu yn teimlo eu bod yn gweithio gormod a dygodd rhai ohonynt sylw at fethiant y Bwrdd i leihau'r pwysau sydd arnynt. Dyma rai o'r dyfyniadau :-</p> <p>"Mae gennym ormod o bwysau a lefelau staffio rhy isel i ddarparu gofal, heb unrhyw gefnogaeth gan BIPBC, mae'r disgwyliadau'n rhy fawr."</p> <p>"Rwyf wrth fy modd yn helpu fy nghleifion ond rwy'n mynd yn fwy a mwy rhwystredig gydag anallu'r Bwrdd lechyd i ddarparu gwasanaethau gofal eilaidd digonol".</p> <p>"Rwyf dal yn mwynhau fy swydd fel Meddyg Teulu a theimlaf mai hon yw'r swydd orau yn y byd. Fodd bynnag, teimlaf fod y gwaith papur yn ein llethu. Teimlaf fod yna ddiffyg dealltwriaeth oddi wrth yr elfen gofal eilaidd a BIPBC ynghylch y pwysau sydd arnom. Mae yna ddiffyg gwelyau drwy'r adeg er mwyn gallu anfon cleifion sâl iddynt. Mae rhestri aros hir yn effeithio arnom ac mae cleifion yn dod yn ôl tro ar ôl tro tra eu bod yn aros ar y rhestri".</p> <p>O ystyried y ffaith fod y cyfryngau wedi adrodd bod Meddygfeydd Meddygon Teulu Gogledd Cymru "<i>are facing closure by the score without help</i>" beth yn union mae'r Bwrdd yn ei wneud i helpu a chefnogi meddygfeydd?</p>
11.	Y Cynghorydd Ann Griffith	<ul style="list-style-type: none"> • Rwyf wedi cael ar ddeall fod merched dros 50 oed ond yn cael eu galw am sgrinio serfigol bob 5 mlynedd ac nid bob 3 blynedd. Ydi hyn yn seiliedig ar dystiolaeth glinigol neu'r angen i arbed arian? • O ran gofal y fron a diagnosis canser, beth yw'r amser aros cyfredol i ddynes weld ymgynghorydd yn dilyn cael ei chyfeirio gan Feddyg Teulu?

<u>Rhif:</u>	<u>Cwestiwn gan:</u>	<u>Cwestiwn:</u>
12.	Y Cynghorydd Ann Griffith	<p>Yng nghyswllt Uned Seiciatryddol Hergest yn Ysbyty Gwynedd:-</p> <ul style="list-style-type: none"> • Faint o gwynion a dderbyniwyd gan gleifion am yr Uned yn 2015 ynghylch lefel y gofal a materion diogelwch, ac a yw data hanesyddol yn adlewyrchu unrhyw batrwm ? • A fu nifer o ddigwyddiadau o chwythu'r chwiban gan staff yn 2015, ac a yw'r data hanesyddol yn adlewyrchu unrhyw batrwm ?
13.	Y Cynghorydd Ann Griffith	<p>Deallaf fod Anffurfio Organau Cenhedlu Menywod (FGM) yn drosedd yn y DU ers 1985 ond nifer isel iawn sy'n cael eu herlyn yn y DU.</p> <ul style="list-style-type: none"> • A yw BIPBC yn darparu fframwaith hyfforddi i'w staff er mwyn eu cynorthwyo i adnabod achosion o FGM ? • Ar Ynys Môn, sawl achos o FGM y mae'r Bwrdd Iechyd wedi adrodd arnynt i Heddlu Gogledd Cymru ?
14.	Y Cynghorydd Ann Griffith	A yw BIPBC yn gwybod beth yw graddau camddefnyddio cyffuriau ar Ynys Môn a faint o bobl ar yr Ynys sy'n derbyn lleoliad adsefydlu preswyl ar gyfer eu problem?
15.	Y Cynghorydd Ann Griffith	Beth yw'r amser aros cyfartalog am therapiau siarad ar Ynys Môn? (Mae therapiau siarad yn cyfeirio at yr help a gynnigir gan y Bwrdd Iechyd i bobl sy'n dioddef o iselder neu broblemau sy'n gysylltiedig â phryder dwys).



Eich Gwasanaethau Chi Eich Dewisiadau Chi

**YMGYNGHORIAD CYHOEDDUS AR SUT I
GYNNAL GWASANAETHAU TAN AC ACHUB
RHAGOROL, FFORDDIADWY YNG NGOGLEDD
CYMRU YN 2016-17 A THU HWNT**

Yr Hydref 2015

CYNNWYS

Cyflwyniad	3
Trosolwg byr o Wasanaeth Tân ac Achub Gogledd Cymru	5
Yr amcanion arfaethedig ar gyfer 2016-17	
Amcan drafft 1	6
Amcan drafft 2	7
Amcan drafft 3	9
Amcan drafft 4	15
Beth ydych chi'n ei feddwl am ein syniadau ar gyfer gwella?	16
Ateb rhai cwestiynau	17

CYFLWYNIAD

Mae'r ymgynghoriad cyhoeddus hwn yn ymwneud â'r gwasanaethau tân ac achub a ddarperir yng Ngogledd Cymru. Mae Awdurdod Tân ac Achub Gogledd Cymru yn gwahodd unrhyw un â diddordeb i leisio eu barn ar sut ddylid datblygu'r gwasanaethau tân ac achub yng Ngogledd Cymru yn yr ychydig flynyddoedd nesaf.

Rydym oll yn deall bod llai o arian ar gyfer gwasanaethau cyhoeddus i'w ddefnyddio nag y buasem yn ei hoffi, ond rydym yn derbyn nad yw'r sefyllfa'n debygol o wella am nifer o flynyddoedd. Bydd unrhyw un sy'n ymwneud â gwasanaethau cyhoeddus yn gwybod pa mor anodd yw parhau i ddarparu gwasanaethau y mae pobl yn eu disgwyl pan nad yw'r arian ar gael.

Yng Ngwasanaeth Tân ac Achub Gogledd Cymru rydym wedi mynd y tu hwnt i'r cyfnod o leihau costau mewnol, canfod dulliau o gwtogi ar wario a lleihau gwastraff. Mae ein cyllideb refeniw wedi ei llunio o gyfraniadau cynghorau sir. Mae arbedion yn golygu bod ein gwasanaethau nawr yn costio cyfwerth â £46 fesul pen o'r boblogaeth – yr un ag yn 2010-11. Ond rydym yn dal i orfod meddwl am faint o flynyddoedd y medrwn barhau gyda'r un lefel o gyfraniadau. Ac os bydd ein costau yn cynyddu, o ble daw'r arian?

Mae'r Gwasanaeth Tân ac Achub wedi gwneud gwaith hynod o ran lleihau'r galw am ei wasanaethau trwy ganolbwyntio ar rwystro tanau. Mae pobl yn llawer gwell nawr wrth osgoi tanau nag yr oeddynt hyd yn oed ddeng mlynedd yn ôl. Ond beth ddylai hynny ei olygu ar gyfer maint a phwrrpas y gwasanaeth tân ac achub yn y dyfodol? Mae pobl yn disgwyl ymateb mewn argyfwng pan fyddant ei angen, ond mae darparu gwasanaeth 'rhag ofn' yn costio arian.

Gall pobl ddechrau meddwl am danau yn eu hardaloedd daearyddol hwy, gan anghofio y byddant hefyd efallai angen gwasanaethau tân ac achub wrth ymweld ag ardaloedd eraill, neu wrth deithio. Fel Awdurdod ar gyfer Gogledd Cymru gyfan, rydym yn ymwneud â'r ardal lawn a'r boblogaeth lawn. Yn yr un modd, fel Awdurdod sy'n gweithio gyda darparwyr gwasanaeth cyhoeddus eraill, rydym yn cydnabod bod angen i ni chwarae ein rhan wrth leihau costau. Mae'n gydbwysedd anodd iawn ei gyflawni, ond rydym yn meddwl ein bod wedi cael ffordd o wneud yr union beth hwnnw – gofalu am boblogaeth gyfan Gogledd Cymru heb gostio ffortiwn.

Rydym yn gobeithio eich bod yn cytuno â ni, ond rydym eisiau gwybod os oes unrhyw beth arall nad ydym wedi ei ystyried a fyddai'n gwneud gwahaniaeth. Yn amlwg, byddwn hefyd yn croesawu eich sylwadau os ydych yn cefnogi ein cynlluniau.

TROSOLWG BYR O WASANAETH TAN AC ACHUB GOGLEDD CYMRU

Mae Awdurdod Tân ac Achub Gogledd Cymru yn un o dri awdurdod tân ac achub yng Nghymru. Cafodd ei sefydlu ym 1996 i ddarparu gwasanaethau tân ac achub yn Ynys Môn, Gwynedd, Conwy, Sir Ddinbych, Sir y Fflint a Wrecsam.

Mae'r Awdurdod yn cynnwys 28 o gynghorwyr sir etholedig sy'n cael eu henwebu gan eu cyngor sir eu hunain fel aelodau'r Awdurdod. Yn y swydd hon, disgwylir i'r Aelodau weithredu er budd gorau Gogledd Cymru gyfan, nid eu hardal sirol eu hunain.

Mae'r Awdurdod yn cymryd penderfyniadau ynglŷn â lefel y gwasanaethau tân ac achub a ddarperir yng Ngogledd Cymru, ac mae'n pennu ei gyllideb flynyddol i gyfateb â'r lefel honno o wasanaeth.

Pa wasanaeth y mae Gwasanaeth Tân ac Achub Gogledd Cymru yn ei ddarparu?

- Addysg rhwystro tân a diogelwch cymunedol
- Ymateb "golau glas" i danau ac argyfyngau eraill
- Gorfodi diogelwch tân mewn eiddo an-nomestig
- Cynllunio ymateb i sefyllfaoedd argyfwng mawr a difrifol

Faint mae'n ei gostio i redeg gwasanaeth Tân ac Achub Gogledd Cymru?

Rhyw £32 miliwn y flwyddyn – yn cyfateb i £46 y flwyddyn ar gyfer pob un o drigolion Gogledd Cymru.

Pwy sy'n talu am Wasanaeth Tân ac Achub Gogledd Cymru?

Mae'r chwe chyngor sir yng Ngogledd Cymru yn cyfrannu tuag at gronfa ganolog a ddefnyddir i ddarparu gwasanaethau tân ac achub.

Sut ydw i'n cymryd rhan yn yr Ymgynghoriad Cyhoeddus hwn?

Meddyliwch am effaith yr hyn rydym yn cynnig ei wneud, a gadewch i ni wybod eich barn **CYN 11eg Rhagfyr 2015**.

YR AMCANION ARFAETHEDIG AR GYFER 2016-17


Amcan Drafft 1 – Parhau gyda helpu i gadw pobl yn ddiogel rhag tanau yn eu cartrefi

Nid dyma'r tro cyntaf i ni fabwysiadu hyn fel ein hamcan cyntaf, ond mae gwneud hynny yn adlewyrchu'r pwysigrwydd a ddodwn ar yr agwedd hon o'n cyflenwad gwasanaeth.

Y lle y mae pobl yn fwyaf tebygol o gael eu lladd neu eu hanafu gan dân yw yn y cartref. Dyma lle mae pobl yn ymlacio fwyaf ac yn lleiaf effro i berygl, a lle maent yn poeni leiaf am eu diogelwch eu hunain rhag tân. Maent yn syrthio i gysgu, mae pethau yn mynd â'u sylw, ac maent yn anghofio gwneud yn siŵr bod popeth yn iawn. Mewn mannau gwaith ac adeiladau cyhoeddus, mae cyfreithiau sy'n gofyn i'r bobl sy'n gyfrifol am y mannau hynny gynllunio'n ffurfiol a lleihau perygl rhag tanau. Ond nid yw pobl yn tueddu i feddwl yn yr un ffordd ynglŷn â mesurau diogelwch tân yn y cartref.

Felly, er ein bod wedi cymryd camau arwyddocaol ymlaen ac wedi gweld gostyngiad mawr yn y nifer o danau sy'n digwydd mewn cartrefi, mae mwy i'w wneud o hyd. Ni hoffem weld cyfyngiadau ariannol yn ein rhwystro rhag parhau i ganolbwyntio ar helpu i gadw pobl yn ddiogel yn eu cartrefi eu hunain.

Yn 2016-17, felly, byddwn yn parhau i gadw diogelwch yn y cartref fel ein hamcan cyntaf a phwysicaf.



Amcan Drafft 2 – Gweithio’n galed i wneud ein cyllideb fynd ymhellach fel nad oes angen i ni ofyn i’r cynghorau sir am gyfraniadau uwch

Rydym yn gwybod bod arian yn brin i redeg gwasanaethau cyhoeddus, a’r amcanestyniadau yw nad yw pethau’n debygol o wella am nifer o flynyddoedd. Rydym wedi gweithio’n galed i dorri gwariant trwy wneud arbedion lle mae hynny’n bosibl ac yn dod yn fwy effeithlon yn ein dull o wneud pethau.

Ariennir Gwasanaeth Tân ac Achub Gogledd Cymru yn bennaf gan gyfraniadau gan y chwe awdurdod unedol yng Ngogledd Cymru yn gymesur â’u poblogaeth. Mae’r gyllideb refeniw flynyddol ar hyn o bryd ychydig dan £32 miliwn.

£	Cyfraniad 2011/12	Cyfraniad 2012/13	Cyfraniad 2013/14	Cyfraniad 2014/15	Cyfraniad 2015/16
Ynys Môn	3,236,545	3,219,270	3,216,231	3,198,669	3,200,523
Gwynedd	5,588,685	5,525,827	5,507,985	5,588,255	5,602,787
Conwy	5,240,568	5,206,959	5,198,570	5,283,704	5,289,891
Sir Ddinbych	4,549,039	4,569,316	4,593,630	4,342,155	4,360,740
Sir y Fflint	7,051,716	6,981,590	6,955,089	7,018,721	7,033,548
Wrecsam	6,266,101	6,269,049	6,300,506	6,340,507	6,398,354
CYFANSWM	31,932,654	31,772,011	31,772,011	31,772,011	31,885,843
Cost fesul pen o’r boblogaeth	£47	£46	£46	£46	£46

Ar ôl rhewi ein cyllideb flynyddol am dair blynedd, sylweddolasom y llynedd y byddai’n rhaid i ni ei chynyddu rhyw ychydig. Fodd bynnag, rhoddwyd ymrwymiad i gynghorau sir Gogledd Cymru y buasem yn anelu at gyfyngu unrhyw gynnydd yn yr arian y gofynnwyd iddynt ei gyfrannu tuag at ein costau rhedeg i swm yn cyfateb i £1 fesul y pen o’r boblogaeth ar y mwyaf.

Mae’r ymrwymiad hwnnw yn parhau, ond gan ein bod yn cydnabod y pwysau ariannol sy’n wynebu’r cynghorau sir, rydym yn cynnig gwneud hyd yn oed yn well na hynny. Ein bwriad, trwy gynllunio gofalus, yw rhewi ein cyllideb flynyddol eleni am o leiaf dair blynedd arall. O bosib, gallai hynny ostwng cyfraniadau’r cynghorau sir i’r gwasanaethau tân ac achub i swm cyn ised â £45 fesul pen o’r boblogaeth – yr un fath ag yr oedd yn 2008-09.

Nid ydym yn disgwyl y bydd hyn yn hawdd ei gyflawni. Ar ôl torri £3 miliwn eisoes o’n costau rhedeg blynyddol, mae ein gallu i dderbyn cynnydd na ellir ei osgoi mewn costau yn y tair blynedd nesaf yn gyfyngedig. Rydym yn

amcangyfrif y gallai'r cynnydd hwn na ellir ei osgoi fod oddeutu £2 filiwn. Serch hynny, rydym yn cydnabod gwerth cefnogi gwasanaethau cyhoeddus rhagorol yng Ngogledd Cymru ac felly rydym eisiau cydweithio gymaint ag y bo modd er mwyn sicrhau diogelwch pobl Gogledd Cymru.

Amcan Drafft 3 – Dal i amddiffyn ein HOLL gymunedau, ond gyda gwell cynllunio

Yn ôl yn 2012, fel rhan o'n hymgyngoriad blynyddol, gofynnwyd i chi a fyddai orau gennych:

- a) gadw gorsaf dân ar agor oherwydd ei bod yn agos at eich cartref, ond gan dderbyn na fyddai ar gael am nifer o oriau yr wythnos, neu
- b) gael gorsaf dân sydd bob amser yn barod i ymateb, ond gan dderbyn ei bod lawer o filltiroedd yn bellach i ffwrdd o'ch cartref.

Yr hyn roeddem yn dechrau ei thrin oedd problem hen system diffoddwyr tân rhan amser sy'n ei gwneud yn anodd denu a chadw digon o ddiffoddwyr tân rhan amser i ddarparu gwasanaeth, yn enwedig ar rai adegau yn ystod y dydd. Mae hyn oherwydd lefel yr ymrwymiad sydd ei angen (i aros o fewn 4 neu 5 munud o orsaf dân am hyd at 120 awr yr wythnos neu fwy) sy'n dod yn llai realistig ar adeg pan fo pobl yn tueddu i weithio a chymdeithasu i ffwrdd o lle maent yn byw.

Roeddem hefyd yn bryderus ynglŷn â'r gost, yr amser a'r ymdrech mae'n ei gymryd i reoli system ddyletswyddau anodd sydd â throsiant staff uchel, sy'n sylweddoli bod yn rhaid i'w prif gyflogaeth ddod yn gyntaf, neu lle mae pwysau'r ymrwymiad i'r gwaith yn ormod ar eu bywyd personol neu deuluol.

Er mai dim ond ychydig o bobl a ymatebodd yn 2012, roedd eich ymateb yn ddefnyddiol. Roedd y mwyafrif yn ffafrio'r ail opsiwn – cael gorsaf dân ymhellach i ffwrdd ond ar gael yn bendant – ond roedd teimlad o nerfusrwydd ynglŷn â'r hyn a olygid wrth 'nifer o filltiroedd i ffwrdd' a dim awydd i gau unrhyw orsafoedd tân. Roedd y syniad o fod 'ar gael yn bendant' yn apelio, ond ymddengys bod pobl angen mwy o wybodaeth cyn medru ein cefnogi ar yr agwedd 'yn bellach i ffwrdd'.

BETH SY’N DIGWYDD NAWR OS RWYF YN FFONIO 999?

Mae eich galwad yn cael ei phasio ymlaen i weithredwr rheoli tân sy’n cymryd manylion y digwyddiad. Gan ddefnyddio rhaglenni mapio a chyfrifiadurol, bydd y gweithredwr yn adnabod y peiriant tân agosaf ac yn anfon manylion y digwyddiad i griw y peiriant tân hwnnw.

Os yw’r criw sy’n ymateb yn ddiffoddwyr tân llawn amser mewn gorsaf sydd ar shifft amser llawn, byddant yn ymateb ar unwaith. Mae gorsafoedd tân amser llawn yn Wrecsam, Glannau Dyfrdwy a’r Rhyl.

Os yw’r criw sy’n ymateb yn ddiffoddwyr tân llawn amser mewn gorsaf gyda chriw dydd amser llawn, ac os yw’r alwad yn cyrraedd rhwng hanner dydd a 10pm byddant yn ymateb ar unwaith. Mae gorsafoedd tân gyda chriw amser llawn yn ystod y dydd ym Mae Colwyn, Llandudno, Caernarfon, Bangor a Chaergybi.

Os yw’r criw sy’n ymateb yn ddiffoddwyr tân rhan amser neu yn ddiffoddwyr tân criw dydd rhwng 10pm a hanner dydd, byddant yn mynd i’r orsaf dân agosaf (gan anelu i wneud hynny mewn llai na 5 munud) ac yn gadael o’r fan honno. Mae gorsafoedd tân rhan amser mewn 36 o leoliadau ledled Gogledd Cymru, ac 8 peiriant tân arall yn bennaf wedi eu criwio gan staff wrth gefn wedi eu lleoli yn yr 8 gorsaf dân amser llawn a restrir uchod.

O BLE MAE'R PEIRIANT TÂN YN DOD NAWR?

Mae 44 o orsafoedd tân yng Ngogledd Cymru, a 54 peiriant tân. Mae faint o'r peiriannau hynny sydd ar gael, fodd bynnag, yn amrywio o awr i awr yn dibynnu ar argaeledd diffoddwyr tân.

Am resymau diogelwch, rydym yn mynnu ar o leiaf bedwar diffoddwr tân i griwio peiriant tân. Os nad oes pedwar ar gael gyda'r sgiliau angenrheidiol a'r profiad o reoli, yna dywedir nad yw'r peiriant tân ar gael. Os ydym yn gwybod ymlaen llaw nad oes criw o bedwar diffoddwr tân rhan amser ar gael, efallai y byddwn yn anfon diffoddwr tân amser llawn i gwblhau criw cymysg os daw galwad i mewn, ond mae cyfyngiadau i ba mor aml y gall hynny ddigwydd.

Mae'r 9 peiriant tân yng Ngogledd Cymru a gaiff eu criwio gan ddiffoddwyr amser llawn bob amser ar gael oherwydd bod diffoddwyr tân amser llawn yn gweithio sifftiau penodol ac rydym yn gwybod ymlaen llaw eu bod ar gael. Mae'n bosib, serch hynny, eu bod yn mynychu digwyddiad arall pan ddaw galwad i mewn.

Efallai y bydd neu na fydd y 45 peiriant tân arall ar gael. Ni fedrwn warantu faint fydd ar gael ar unrhyw adeg. Nid yw'n anarferol i hanner ohonynt heb fod ar gael, a gall y sefyllfa hon weithiau fod cyn ised â 15 peiriant tân ar gael ar gyfer yr ardal gyfan.


Pam? Oherwydd ein bod yn dibynnu ar ddiffoddwyr tân rhan amser sydd ar gael i'w criwio, ac oherwydd natur 'rhan amser' eu contract gwaith gyda ni, rhaid iddynt ffitio eu hargaeledd i fynychu argyfwng o gwmpas eu prif gyflogaeth ac agweddau eraill eu bywyd beunyddiol.

Os bydd diffoddwr tân rhan amser penodol yn gwybod na fydd ar gael ac o fewn 4 neu 5 munud o'r orsaf dân, mae'n gadael i ni wybod er mwyn i ni fedru diweddarau'r system reoli. Felly, os nad yw'r dewis cyntaf o ran peiriant tân ar gael neu eisoes allan ar alwad arall, mae'r gweithredwr rheoli yn dewis y peiriant tân nesaf sydd ar gael.

Felly, fel y mae pethau nawr, er y byddai aelod o'r cyhoedd yn gwybod lle mae'r orsaf dân agosaf, ni fyddai'n gwybod lle mae'r peiriant tân agosaf sydd ar gael adeg ei alwad.

Rydym wedi gwranddo ar y sylwadau a dderbyniwyd yn 2012, ac rydym wedi datblygu ein meddylfryd ymhellach. Dadansoddwyd dosbarthiad risg ledled Gogledd Cymru, o ran amserau penodol a lleoliadau, ac yna ceisiwyd cyfateb y dosbarthiad hwnnw.

Roeddem eisoes yn gwybod bod mwyafrif digwyddiadau yn digwydd mewn ardaloedd gyda phoblogaethau uwch – nid oedd hynny'n syndod. Ond, pan ddadansoddwyd y *tebygolrwydd* o rywbeth yn digwydd – y risg – gwelwyd patrwm dosbarthiad gwahanol iawn. Pe buasem yn lleoli ein hadnoddau mewn ardaloedd o ddwysedd poblogaeth uchel yn unig, yna byddai hynny'n anwybyddu'r risg i unrhyw un sy'n byw, yn gweithio, yn ymweld neu'n teithio mewn ardaloedd eraill yng Ngogledd Cymru.



Felly, yn seiliedig ar yr egwyddor o fod angen amddiffyn y *cyfan* o Gogledd Cymru bob amser, nid yn unig yr ardaloedd gyda phoblogaeth breswyl uwch, ystyriwyd sut i ddsbarthu ein criwiau tân ac achub er mwyn cael yr effaith orau.

Sylweddolwyd nad oedd yr ateb yn gorwedd gyda'r gorsafoedd tân (h.y. yr adeiladau) ond gyda chynllunio a rheoli ein criwiau tân. Roeddem hefyd yn meddwl am sut y medrwn ddelio â phroblemau argaeledd criwiau rhan amser a gwelwyd bod cyfle i gadw gorsafoedd tân ar agor ond grwpio gyda'i gilydd y criwiau sy'n gweithio ohonynt er mwyn medru bod yn fwy sicr ynglŷn ag argaeledd o leiaf un criw tân mewn ardal.

Roeddem hefyd eisiau sicrhau ein bod yn cymryd i ystyriaeth y gwahaniaethau mewn proffil risg ar wahanol adegau. Mae llawer o bobl allan yn y gwaith neu'r ysgol yn ystod y dydd, ac mae'r sawl sydd yn eu cartrefi fel rheol yn effro ac yn wyliadwrus. Ar adegau eraill, mae mwy o bobl yn y cartref, ac maent yn tueddu i ymlacio mwy a bod yn llai gwylidwrus. Fel y disgrifiwyd ar gyfer Amcan 1, dyma pryd y mae'r risg yn cynyddu, pan fo pobl adref ac yn ymlacio. Felly, gweithiwyd allan, tra gallai 20 'grŵp criwio' wasanaethu'r ardal mewn cyfnodau o risg cymharol is, byddai 38 'grŵp criwio' yn lefel ddarpariaeth lawer gwell ar gyfer amserau pan fo'r risg yn gymharol uwch.

BETH FYDDAI'N DIGWYDD YN Y DYFODOL PE BAWN YN FFONIO 999?

Byddai eich galwad yn dal i gael ei phasio i'r gweithredwr rheoli, a fyddai'n cymryd manylion y digwyddiad. Byddai'r gweithredwr rheoli yn dal i adnabod y peiriant/peiriannau tân agosaf sydd ar gael, ac anfon manylion y digwyddiad i aelodau'r criw.

Byddai argaeledd diffoddwyr tân rhan amser yn dal i amrywio, ond trwy ddefnyddio'r 'grwpiau criwio' byddai gennym lawer mwy o reolaeth dros sicrhau y byddai o leiaf 20 peiriant tân gyda chriw llawn ar gael ac wedi eu dosbarthu'n strategol ledled Gogledd Cymru ar adegau o risg is, ac o leiaf 38 o beiriannau tân gyda chriw llawn ar adegau o risg uwch. Byddai hyn yn welliant mawr iawn.

Byddai angen i ddiffoddwyr tân rhan amser unigol adael i ni wybod o hyd pan na fyddent ar gael neu allan o gyrraedd gorsaf dân er mwyn i ni fedru cadw llygad ar ba beiriannau tân y gellid eu hanfon. Ond trwy fod yn rhan o'r 'grwpiau criwio' newydd, dylent ganfod ei bod yn haws iddynt gael gwell cydbwysedd rhwng eu hymrwymiad i'r gwasanaeth tân a'u hymrwymadau eraill.

Gyda chyflwyniad cyfarpar hysbysu newydd, modern, mae gennym y gallu i ganiatáu i ddiffoddwyr tân weithio'n fwy hyblyg, fel na fyddent wedi eu cyfyngu i ymateb o un gorsaf dân benodol. Mae diffoddwyr tân llawn amser a rhan amser yn gweithio'n rheolaidd gyda'i gilydd fel rhan o'r un criw. Byddwn yn parhau i fynnu cael o leiaf pedwar diffoddwr tân i fynd â pheiriant tân allan (am resymau diogelwch) ond byddai mwy o gyfle i ddyrannu unrhyw ddiffoddwyr tân ychwanegol i griwio peiriannau tân eraill – mwy na thebyg yn yr un grŵp criwio ond efallai mewn un cyffiniol. Ar hyn o bryd, gall y broses fod yn un eithaf gwastraffus o ran yr adnoddau sydd ar gael. Er enghraifft, os oes naw diffoddwr tân rhan amser ar gael, gallai'r pedwar neu'r pump olaf i gyrraedd yr orsaf dân gyrraedd mewn pryd i weld i peiriant yn gyrru i ffwrdd. Os yw hyn yn digwydd dro ar ôl tro, gall diffoddwyr tân deimlo'n rhwystredig a siomedig oherwydd eu bod yn colli'r cyfle i roddi eu hyfforddiant ar waith.

Yn y dyfodol, byddai aelod o'r cyhoedd yn gwybod bod o leiaf ugain o beiriannau tân ar gael ar adegau o risg is ac o leiaf tri deg wyth ar gael ar adegau o risg uwch.

Efallai na fyddai'r peiriant tân yn dod o'r orsaf agosaf, o reidrwydd, ond ni fyddai hynny'n wahanol i nawr. Y sicrwydd ychwanegol yw beth sy'n gwneud y cynnig hwn gymaint yn well na'r trefniadau presennol.

Amcan 4 – Ystyried y posibilrwydd o wneud mwy bethau ar ran ein cymunedau

Dros y blynyddoedd, mae'r gwasanaeth tân ac achub wedi gweddnwied ei hun yn llwyddiannus iawn yn sefydliad sy'n gwneud llawer mwy o waith atal tân ynghyd â'i waith yn ymateb i danau ac argyfwng. Ond gallai wneud mwy. Mae rhai awdurdodau tân ac achub mewn rhannau eraill o Brydain eisoes wedi dechrau arallgyfeirio trwy, er enghraifft, ymateb ar y cyd gyda'r gwasanaeth ambiwlans ac ehangu eu gwaith i helpu pobl i aros yn ddiogel yn eu cartrefi eu hunain y tu hwnt i gynghori ar ddiogelwch tân yn unig.

O ystyried ein llwyddiant wrth leihau'r galw i ddiffodd tanau, rydym yn meddwl bod yr amser yn briodol i arolygu'r hyn y medrwn ei ychwanegu at y rhestr o wasanaethau a ddarperir gennym. Rydym eisiau sicrhau ein bod ar gael i ymateb i unrhyw argyfwng tân neu achub, ond hoffem ystyried y posibilrwydd o ddefnyddio'r adnoddau sydd gennym mor gynhyrchiol ag y medrwn trwy helpu i gadw ein cymunedau yn ddiogel rhag mwy na tân yn unig. Ar adeg pan fo gwasanaethau cyhoeddus dan straen, ymddengys mai dyma'r peth iawn i'w wneud. Mae hefyd yn gwneud synnwyr i ni o leiaf ystyried sut medrwn gefnogi rhannau eraill o'r sector cyhoeddus, wrth i ni oll fod ag uchelgais cyfunol i helpu i ofalu am ein cymunedau lleol.



BETH YW EICH BARN CHI AR EIN SYNIADAU AR GYFER GWELLA?

Bydd Awdurdod Tân ac Achub Gogledd Cymru yn cyflwyno amcanestyniad o'i lefel ofynnol o gyllid ar gyfer 2016-17 i'r cynghorau sir yng Gogledd Cymru ym mis Rhagfyr 2015, ac yn cadarnhau'r ffigwr terfynol erbyn canol Chwefror 2016.

Hoffem gael ein cynlluniau yn barod ar gyfer dechrau blwyddyn 2016-17, ond cyn i ni gymryd ein penderfyniadau terfynol, hoffem gael gwybod beth mae pobl yn ei feddwl am ein cynigion. A yw'r Awdurdod yn iawn yn cadw rhwystro marwolaethau ac anafiadau oherwydd tân fel ei amcan cyntaf? A yw'n realistig disgwyl iddo gadw ei gyllideb yn isel AC ehangu amrediad y gwasanaethau a gynigir ganddo? A fuasech chi'n cefnogi'r grwpiau criwio newydd rydym yn cynnig eu cyflwyno? Os na, pam hynny?

Anfonwch eich sylwadau cyn 11eg Rhagfyr 2015:

Drwy'r post at:

Awdurdod Tân ac Achub Gogledd Cymru
Pencadlys y Gwasanaeth Tân ac Achub
Ffordd Salesbury
Parc Busnes Llanelwy
Llanelwy
Sir Ddinbych, LL17 0JJ

Ar ebost at:

futurefire@nwales-fireservice.org.uk

Gallwch hefyd ymweld â

www.nwales-fireservice.org.uk

Twitter @northwalesfire

www.facebook.com/northwalesfireservice

Drwy gwblhau'r holiadur:

<http://goo.gl/kK5iwZ>

ATEB RHAI CWESTIYNAU

C. Lle fydd fy ngorsaf dân agosaf?

Nid ydym yn cynnig cau unrhyw orsafoedd tân, felly bydd eich gorsaf agosaf lle mae nawr.

Fel sy'n digwydd eisoes, caiff y criw(iau) agosaf sydd ar gael eu hanfon i ddigwyddiad, ond yr hyn rydym yn ei gynnig yw cael system a reolir yn well yn seiliedig ar gael o leiaf 20 criw tân wedi eu lleoli yn strategol ac ar gael ar adegau o risg is, a 38 o griwiau tân wedi eu lleoli yn strategol ac ar gael ar adegau o risg uwch.

O gymharu â'r hyn sydd ar gael nawr, mae hynny yn cynrychioli gwelliant arwyddocaol.

C. Pam na wnewch, yn syml, gau rhai gorsafoedd tân?

Mae nifer o resymau pam nad ydym wedi dewis y llwybr hwn. Yn gyntaf, nid cynnal a chadw'r adeilad yw'r brif gost – y prif gostau yw cyflogi staff. Felly ni fyddai cai gorsafoedd tân yn arbed rhyw lawer o gwbl o ran costau refeniw. Yn ail, rydym yn gweld y gorsafoedd tân eu hunain fel asedau cymunedol y gellid eu datblygu fel bod sefydliadau cyhoeddus neu wirfoddol eraill yn medru rhannu'r lle gyda ni. Ac yn drydydd, mae'r gorsafoedd tân presennol yn rhoi hyblygrwydd i ni symud ein criwiau o gwmpas i newid proffiliau risg. Ymhen amser, efallai y bydd yn rhaid i ni ailystyried, ond nawr mae'n gwneud synnwyr i ni gadw'r 44 gorsaf ar agor.

C. Os oes yn rhaid i'r peiriant tân ddod o ymhellach i ffwrdd, sut medrwnch ddweud bod hynny'n welliant?

Bu wastad yn wir, os nad yw'r peiriant tân yn yr orsaf dân agosaf ar gael, neu allan ar alwad arall eisoes, yna byddai'r nesaf agosaf sydd ar gael yn cael ei anfon. Mae pobl wedi medru gweld yr orsaf dân a'r peiriant tân ac wedi tybio'n anghywir y byddai criw o ddiffoddwyr tân ar gael i'w griwio pe byddai angen.

Mae pa mor bell y mae'r peiriant tân agosaf nesaf yn dibynnu ar nifer o ffactorau gan gynnwys dosbarthiad gorsafoedd tân, y rhwydwaith ffyrdd lleol, y galw yn yr ardal ar yr un pryd, ac argaeledd diffoddwyr tân unigol gyda'r cyfuniad priodol o sgiliau a phrofiad rheoli i lunio criw tân diogel, gweithredol.

Byddai'r gwelliant yn deillio o gael gwell rheolaeth dros argaeledd criwiau tân. Dan y cynigion newydd hyn byddem yn medru cadw 20 criw tân wedi eu lleoli'n strategol ac ar gael ar adegau risg is, a 38 ar gael ar adegau o risg uwch.

C. Mae gwasanaethau eraill yn canoli eu hadnoddau fel ffordd o dorri costau – pam nad yw'r gwasanaeth tân ac achub yn gwneud yr un fath?

Rydym yn gwybod ein bod yn mynychu mwy o ddigwyddiadau mewn ardaloedd lle mae'r boblogaeth uchaf, ond rydym eisiau amddiffyn Gogledd Cymru gyfan, nid y trefi mwy yn unig. Pan ymgwymerwyd ag asesiad o risg ar draws yr ardal gyfan, dangosodd bod ardaloedd o risg cymharol uwch wedi eu dosbarthu ledled Gogledd Cymru, a bod y proffil risg ar gyfer gwahanol ardaloedd yn newid. Oherwydd hyn rydym eisiau cadw'r hyblygrwydd i ymateb i lefelau risg amrywiol, a chyn belled ag y bo modd, trefnu ein criwiau tân i gyfateb â lefel y risg.

C. Pam nad ydych yn cyflogi mwy o ddiffoddwyr tân rhan amser?

Nid yw cyflogi mwy, yn syml, yn datrys y broblem os nad yw'r diffoddwyr tân hynny ar gael 'chwaith. Mewn rhai ardaloedd, mae pobl yn teithio milltiroedd o'u cartref i'w gwaith, gan eu lleoli yn rhy bell i ffwrdd o'u gorsaf dân benodol hwy i aros 'ar gael'. Mewn rhai ardaloedd, mae proffil y boblogaeth leol yn golygu, er gwaethaf ein hymdrechion i recriwtio pobl fel diffoddwyr tân rhan amser, nad ydym wedi denu digon o ddiddordeb gan bobl sy'n medru pasio'r profion ffitrwydd llym a phrofion eraill. Hefyd, yn rhy aml, mae diffoddwyr tân yn gadael oherwydd y bu newidiadau yn eu prif gyflogaeth sy'n golygu na fedrent fod ar gael bellach pan rydym eu hangen. Felly, hyd yn oed pan rydym wedi medru recriwtio a hyfforddi pobl, rydym yn gweld trosiant staff uchel.

C. Pam nad ydych yn cyflogi mwy o ddiffoddwyr tân amser llawn?

Byddai cyflogi mwy o ddiffoddwyr tân llawn amser yn datrys y broblem o argaeledd, ond byddai'n anodd iawn cyfiawnhau cost cynyddu cyfanswm y nifer a gyflogir ar adeg pan fo gwasanaethau cyhoeddus dan bwysau ariannol.

Rydym wedi bod yn treialu contractau dyletswydd cyflawn rhan-amser newydd fel opsiwn amgen i'r contractau dyletswydd rhan amser presennol a gobeithiwn barhau i ystyried contractau mwy cynaliadwy a fforddiadwy yn y dyfodol.

C. Onid gostyngiad yw hyn yn safon y gwasanaeth rwy'n ei dderbyn?

Na. Dylai'r pedwar cynnig roddi sicrhad i'r cyhoedd y byddwn yn:

1. Parhau i roddi'r pwyslais ar eu diogelwch trwy helpu i rwystro marwolaethau ac anafiadau oherwydd tân;
2. Chwarae ein rhan wrth helpu cyngorau sir yn eu cynllunio ariannol ar adeg o gyllidebau sector cyhoeddus tynn;
3. Cadw gorsafoedd tân ar agor a gwella argaeledd criwiau tân;
4. Canfod dulliau o wneud hyd yn oed mwy o bethau, gwahanol, i wella diogelwch y cyhoedd.

At hyn, byddwn yn parhau i gadw at y saith ymrwymiad a wnaed eisoes yn ein Siarter Ymateb i Danau mewn Tai Annedd, sef:

1. Arwain at leihau nifer y tanau mewn tai annedd sy'n digwydd a lleihau eu heffaith ar bobl.
2. Adweithio'n gyflym ac effeithlon bob tro y byddwn yn derbyn galwad argyfwng 999 i fynychu tân mewn tŷ annedd.
3. Mynychu tanau mewn tai annedd yn gyflym, a chyda'r cyfarpar priodol i ddelio â nhw.
4. Delio â thanau mewn tai annedd yn effeithiol, yn effeithlon ac yn broffesiynol.
5. Helpu adfer normalrwydd i gymunedau ar ôl tân mewn tŷ annedd.
6. Archwilio achosion tanau mewn tai annedd a dal pobl berthnasol i gyfrif pan fo'n briodol gwneud hynny.
7. Ymdrechu i gynnal safonau uchel a gwella agweddau ar yr hyn a wnawn.



CYNGOR SIR
YNYS MÔN
ISLE OF ANGLESEY
COUNTY COUNCIL



RHAGLEN WAITH Y PWYLLGOR SGRIWTINI PARTNERIAETH AC ADFYWIO

Cadeirydd: Y Cynghorydd Derlwyn Hughes
Is-Gadeirydd: Y Cynghorydd Alun Mummery

Y tabl isod yw Rhaglen Waith y Pwyllgor Sgrwtini Partneriaeth ac Adfywio o fis Mai 2015 i fis Mai 2016. Adroddir ar y Rhaglen Waith i bob cyfarfod o'r Pwyllgor Sgrwtini i bwrpas adolygu ei chynnwys, ystyried eitemau newydd neu i ohirio/tynnu eitemau yn ôl.

Cyswllt: Geraint Wyn Roberts (Swyddog Sgrwtini)
Ffôn: 01248 752039
E-bost: gwrce@ynysmon.gov.uk

Tudalen 33

Eitem 5 ar y Rhaglen

Dyddiad y Cyfarfod	Eitem	Pwrpas	Lleoliad /Amser cychwyn
--------------------	-------	--------	-------------------------

Eitemau Sefydlog ar bob rhaglen Pwyllgor:

- Ymddiheuriadau
- Cofnodion
- Cyhoeddiadau gan y Cadeirydd neu'r is-Gadeirydd
- Rhaglen Waith

15 Medi 2015	Enwebiad i'r Panel Rhiant Corfforaethol.	Enwebu un aelod i'r Panel sy'n sicrhau bod gwasanethau i blant a phobol ifanc mewn gofal o safon uchel	Ystafell Bwyllgor 1 / 3yp
	Trawsnewid Gwasanaeth Wardeiniaid Tai Gwarchod	Sgriwtini cyn penderfyniad	
	Adroddiad Blynyddol Partneriaeth Tai Môn	Monitro	
	Trefniadau Diogelu Oedolion Bregus	Monitro	
	Adroddiad Cwynion Blynyddol - Gwasanaethau Cymdeithasol	Monitro	
	Paneli Canlyniad Sgriwtini – Diweddariad	Diweddariad	
	Bwrdd Gwasanaethau Lleol - Panel Sgriwtineiddio ar y Cyd	Diweddariad	
12 Tachwedd 2015	Trefniadau Casglu Sbwriel Wythnosol – Aseu Opsiynau	Sgriwtini cyn penderfyniad	Siambr y Cyngor / 2 yp
	Galw Gofal – Gwasanaethau Monitro Rhanbarthol Gogledd Cymru	Monitro	
	Bwrdd Rhaglen Trawsnewid Plant	Gwybodaeth ynglyn a enwebiad	
17 Tachwedd 2015	Bwrdd Iechyd Prifysgol Betsi Cadwaladr	Sesiwn Cwestiynau ac Atebion	Siambr y Cyngor / 2 yp
	Gwasanaeth Tân ac Achub Gogledd Cymru	Sesiwn Cwestiynau ac Atebion	
2 Chwefror 2016	Adolygiad Gwasanaethau Ieuencid	Sgriwtini cyn penderfyniad	Ystafell Bwyllgor 1 / 2yp
	Adolygiad Gwasanaethau Diwylliant	Sgriwtini cyn penderfyniad	
	Dadansoddiad Rhestr Tai	Sgriwtini	
	Cynllun Teithiwr Sipsiwn	Sgriwtini	
	Oedolion Bregys- Proses a Data Cwynion i Ymwneud a Gofalwyr Profesiynol	Sgriwtini	
	Ymrwymiad Economaidd Rhanbarthol	Diweddariad	

Tudalen 34

Dyddiad y Cyfarfod	Eitem	Pwrpas	Lleoliad /Amser cychwyn
Eitemau Sefydlog ar bob rhaglen Pwyllgor: <ul style="list-style-type: none"> • Ymddiheuriadau • Cofnodion • Cyhoeddiadau gan y Cadeirydd neu'r is-Gadeirydd • Rhaglen Waith 			
12 Ebrill 2016	Adroddiad Blynyddol Partneriaeth Diogelwch Cymunedol	Monitro	Ystafell Bwyllgor 1 / 3yp

Eitemau ychwanegol i'w ychwanegu l'r Rhaglen Gwaith:

- Presenoldeb gan Ymddiriedolaeth GIG Gwanasanaethau Ambiwylans Cymru
- Panel Canlyniad Sgrwtini – grwp Adolygu Cynydd Ysgolion (Diweddariad)

This page is intentionally left blank